

浙江文叢

# 國權

〔第九冊〕

浙江出版聯合集團  
浙江古籍出版社

浙江文叢

# 國權

〔第九冊〕  
卷二十六至卷二十八

〔明〕談遷 著

出版聯合集團  
古籍出版社

國權

鹽官談遷孺木著

起天順四年

盡天順八年

庚辰天順四年

正月己卯朔庚辰李來犯延綏并兒坪

癸未作輕車五百輛銃砲各三千

丁亥上南郊

太常寺卿李希安為禮部右侍郎署寺事

戊子前工部尚書兼謹身殿大學士東閣大學士高穀

牟穀字世周揚之興化人永樂乙未進士選館授中書  
舍人甲辰進春坊司直郎洪熙初進翰林侍講正統  
戊午進侍講學士乙丑進工部右侍郎兼侍講學士直  
內閣己巳留守尋進工部尚書兼翰林學士議迎駕直  
千戶龔遂榮之獄己進火保蕪東閣大學士壬申進太  
子太傅廵災南京救給事中林聰獄丙子復兼謚身殿  
大學士天順初辭官銜致仕性簡峻寡交淳謹廉靜工  
詩善書晚歲不給至為里中童子師有問正統景泰天  
順間事者默不應賜祭塋贈太保謚文懿

李來寇榆林搃兵彰武伯楊信禦卻之復入信分兵追

至金鷄峪擒十二人斬三十五級獲馬百匹

禮科給事中張寧等劾翰林學士呂原彭時林文劉定之等十九人郊祀至西天門不下馬宜付法司上宥之

恒月犯井宿

辛卯南京工部左侍郎孟鑑卒 博野人進士

壬辰恒月犯軒轅

乙未右都督過興為征蠻將軍總兵鎮守廣西

己亥勅諭入覲官

恒大星青白光自中台流紫微西藩

庚子令巡撫甘肅右副都御史芮欽奔母喪還任都督

同知杜清故石亨戚也以怨望下獄降雲南都指揮同知

豐潤伯曹篆卒儀真人洪武末襲燕山左衛指揮僉事軍德五年以湖廣署都指揮僉事捕江西毒花峒賊十年以中軍都督僉事總兵鎮遼東捕進左都督天順初封篆廉介有守跡令嚴明卒繼室李氏自經殉之詔旌焉贈篆豐潤侯謚莊武

辛丑許山東葛林黃黑篆豈誰米

壬寅定西侯蔣琬印馬山東河南受醜下獄奪祿一年左都御史程信奏事不寔改南京太僕寺以卿

前都督僉事任啟卒

癸卯錦衣衛指揮同知達果言忠國公石亨怨望益甚其侄孫進士後詐疾削籍後日與亨怨謫造為妖言曰土木掌兵權亨有所愛都督同知杜清其云土木杜也邇者光祿寺火亨曰此天火亨畜亡賴二十餘人專伺朝廷觀其心怏怏且不軌上曰朕念亨微勞犯罪累曲貸乃然謗生他望其下詔獄廷鞠之籍其家及庄田之在渭南大同者

甲辰籍石彫家

乙巳吏部大計罷斥九百三十八

丙午賜卓異左布政使賈銓梁啟蕭昉徐璟李顥按察使劉孜知府丘陵胡濬知州張福知縣張瑄各賜錦衣一襲欽千貫宴於禮部初上諭李賢曰覲宮大集旌異當如祖宗之典故有是命

二月戊申朔己酉興安侯徐亨卒嗣興安伯宣德丁未從征交趾至統甲子征拖北功進封侯鎮守陝西日費十二金民頗苦賜祭塋謚武襄

庚戌廣西僮賊流剽永州陷桃川枇杷二所永明江華二縣

辛亥勅諭文武群臣以石亨為戒

壬子盜陷梧州

癸丑戶部尚書沈固致仕

甲寅前兵部尚書兼翰林院學士苗衷卒衷字秉彞定遠人已丑進士授編修歷修撰侍講正統初實錄成進侍講學士久之直閣丁卯進兵部右侍郎景泰初進尚書致仕衷溫厚典重文章典實獲保榮名有曰然矣賜祭塋贈少保謚文康

乙卯翰林院學士呂原尚寶司少卿兼翰林修撰柯潛主禮闈

戊午重作鳳陽大龍興寺

正統五年火

壬戌夜月掩太微垣上相星

癸亥石亨庾死刑部獄法司請梟示榜罪天下上瘞之  
亨渭南人儀幹修偉姪彪亦如之嘗飲酒肆相工見之  
曰今太平安得此兩侯哉家世寬河衛指揮僉事伯巖  
亡子亨得嗣英果有膽氣善騎射提刀飛舞彪持斧挽  
強每戰亨先登彪從之亨累功都指揮使彪以舍人授  
大同衛鎮撫正統亨進都督僉事為大同左叅將守萬  
全彪亦遷都指揮已巳亨坐失援同楊洪並獄也先寇  
京城赦出使將兵亨與彪出安定門擊鹵追至城西卻  
之又令彪誘至彰義大戰鹵潰追及清風店之捷鹵懼

且出倒馬関亨使詔曰石將軍行未至彼假其名耳爾  
信而反戰亨等復擊殺數百人始知石將軍在也盡棄  
羊馬輜重而遁亨名震中封武清伯進侯兼太子太  
師提京營兵彪進都督僉事為大同左叅將諸子姪並  
陞千戶當時于謙本兵亨與楊洪為將皆朝廷所倚倚  
及迎駕奪門進封忠國公召彪為都督同知游擊將軍  
家人石寧等十餘人皆升指揮千百戶有差父武競趨  
石氏拉權納賂嘗僉工部為治第上登翔鳳樓恭順侯  
吳瑾撫寧侯朱永侍上顧而問永謝不知瑾曰必王府  
耳上笑曰非也瑾曰非王府孰敢然上顧太監裴富曰

而聞之人乃不敢言石亨自是上益踈石氏以至於敗  
南大吉曰亨雖不學性亦極爽軒豁而無机變之巧  
當英皇北狩群 進圖京城四方震恐中外戒嚴大  
將元老束手無策微亨則國家幾殆然則亨此功雖  
謂再造社稷可也使其後无迎駕奪門之事則威權  
不嚇彫亦何恃而驕哉夫何王文輩希圖富貴預起  
邪謀遂致亨承內旨率兵迎立功歸臣下威震朝宇  
諛媚既作謀孽亦隨當是之時謂亨恃寵驕恣則固  
有之若曰大逆不軌蓋亦莫須有耳乃闔門就膠以  
快仇隙之心哀哉

李攀曰使石亨早沒於未奪門之前豈不足稱武烈  
名臣哉馬昂之本兵有貞李賢之進閣皆亨所薦  
也

何喬遠曰石亨清風店之捷李夢陽所謂賦石將軍  
戰場歌者也予讀而悲之亨威名震主不知挹損以  
及於難處誅一時稱快久之謂朝廷失驍將焉

談遷曰石亨非逆也彼一介武夫起隴畝出入行間  
提尺刃冒百死以取封侯而又出太上於幽潛之中  
日月並曜若曰富貴由我自非赤舄之上詰黃綺之  
素心能無驕乎學士大夫明詩書踐禮道窮階連組

猶渝其度乃欲以回天浴日之烈敦循墻飲露之風  
亦自古所難也此蓋裕陵失之於初耳假復辟之後  
早釋其兵柄效宋藝祖之杯酒或借湖貴間錢芟除  
叛類則殫附之輩何至走死地如鷺紮語云嬰兒常  
病傷於飽貴臣常病傷於寵寵之甚死亡乘之矣雖  
然奪其帶砺稍優以渭南之餘田世秩萬戶庶於功  
過相劑而竟籍滅之俾無聞焉則李文達所議奪門  
之非無不溢罰矣

甲子命湖廣金沙府船欽收米賑饑

乙丑灵州千戶所土官國初人授田百畝故不祿止歲

給布三疋後歷進千百戶停歲布仍不祿告困上閔而祿之

丙寅起復右僉都御史韓雍

丁卯殺定遠侯石彪彪驍勇善戰人畏之

戊辰應天府丞陳宜淮安知府丘陵為雲南湖廣左右布政使

辛未雲南都指揮同知杜清削籍安置金齒誅石後籍其家前國子監祭酒陳詢卒詢字汝同華亭人進

士選館員才氣久不得選同鄉學士沈度規以徇時面斥之太宗聞而嘉其直尋擢編脩歷脩撰侍讀進侍講

學士坐累謫守安陸正統己巳拜大理少卿巡撫畿內  
景泰初改太常少卿兼侍講學士尋改祭酒善草書言  
論慷慨頗使酒妨業云

癸酉上幸南苑

甲戌夜赤星自軒轅流北河

乙亥遣太監王定迎襄王瞻墻入朝

丙子都察院左付都御史年富為戶部尚書蕭昺為禮  
部尚書賈銓為付左都御史廵撫山東

廣西蜚賊陷信宜縣

三月戊寅朔策貢士陳選等百五十六人於奉天殿賜王

一夔李永通鄭環等進士及第出身有差

己卯上幸南苑

壬午協贊廣西軍務監察御史吳禎討田州賊呂趙斬之

甲申襄陽府同知李孟芳為湖廣右叅議提督太岳太和山事免開封去年田租十三萬八千七百三十餘石

乙酉大雨雪

丙戌選進士劉健張賑李溫張謹楊德張頤周經王範蔡霖張溥楊瑛鄭紀童璣汪諧張元楨為庶吉士以學士劉定之侍讀學士錢溥教習王一夔等俱肄業